

Danghnaeuz Gou Dwg Diuz Rij Ndeu

假如我是一条小溪

武鸣县仙湖镇中桥小学六(2)班 潘银珠

Danghnaeuz gou dwg diuz rij ndeu, gou yaek caenh bonjsaeh ceiq hung gou bae bangcoh doenghgiy vunz sihyau gou. Ngoenzneix yaek lae bae daswyenz, bae ra doenghgiy vunz sihyau gou bangcoh haenx.

Gou lae roengz doenghnaz bae, yawjraen doenghnaz youq laj nditndat dak dwk mizdi reuq lo, gyoengqvunz gaenx hong haenx cingq youq ndaw naz guhhong, najbyak iemq baenz naed baenz naed hanh. Gou sikhaek lae daengz laj gohaeux, lae daengz laj din gyoengqvunz, hawj gyoengqde gamjsouh gij liengz daswyenz. Seizneix, gohaeux gwn gij raemx gou,

itdingh maj ndaej engq vaiq. Gyoengqvunz gamjsouh daengz gij liengz gou, hix itdingh daj ndaw sim docih gou. Gou raen najriu gyoengqde ronghsagsag, couh habhoz lo.

Danghnaeuz gou dwg diuz rij ndeu, gou yaek lae daengz diegsa bae. Gwnz diegsa gofaex daeggo itdingh hozhawq yaek dai lo, mboujnex gyoengqde baenzlawz yienghneix byombyangbyang? Dujva dahnuengx hix itdingh hozhawq yaek dai lo, mboujnex gyoengqde baenzlawz yienghneix reuq ne? Gou yawj le ndaw sim gig hojsouh, sikhaek lae gvaqbae, itcig lae roengz goek rag gyoengqde

bae. Yaepyet, gofaex daeggo bienq ndaej sangnengneng, dujva dahnuengx naj bienq hoengz lo. Gyoengqde angq dwk ngauzgyaeuj hwnjdaeu, lumj doiq gou naeuz: "Rij dahnuengx, docih mwngz gouq raeuz, dwg mwngz gouq dauq sengmingh raeuz. Raeuz caencingz docih mwngz!" Dingqnyi gij vah neix, ndaw sim gou vaiqvued fouzbeij.

Danghnaeuz gou dwg diuz rij ndeu, gou yaek lae daengz gij dieg mbwnrengx bae, hawj gyoengqvunz gaij hozhawq, dwk gij naz reih gaengq dek haenx, rwed gij va nywj faex yaek daireuq haenx. Gou yaek dawz



gyoengqvunz daj ndaw haemzhoj rag okdaeu.

Danghnaeuz gou dwg diuz rij ndeu, gou yaek lae ha lae, lae daengz.....

Gou caen maqmuengh gou dwg diuz rij ndeu, lae haeuj gizdieg sihyau gou, bae bangcoh doenghgiy vunz, doenghyiengh sihyau gou.

(指导老师:潘文清)

Seiqgyaiq Duznon

虫子的世界

武鸣县仙湖镇中桥小学六(1)班 潘洪宇



Ngoenzneix, gou youq ndaw doenghnaz ginglig baez geizheih ndeu, gou gingqyienz lumz swheij lo.

Gou ninz youq gwnz fiengz ndaw doenghnaz, sawqmwh miz duz doenghduz iq ndeu diuq hwnj gwnz naj gou daeu, gou bala naengh hwnjdaeu, yawjraen duz daekgaeuj ndeu saet deuz. Gou ganjvaiq gyaep bae riengz.

Gaen le geij faen cung, raeuz daeu daengz aen "ndoengfaex" ndeu, gizneix dwg benq ganjfiengz ndeu, duz daekgaeuj neix youq ndaw de diuq bae diuq dauq. Gou guj, mbaw nywj dwg ganj diuqgyae de, nywjrum dwg fan demh ancienz de. Aen yindungcang youh an' oij youh swwhyienz yienghneix, gou guj cij miz duznon ra ndaej raen.

Gvaq yaephe, duz daekgaeuj youh saet bae naj. Gou caeuq de byaij gvaq haujlai diuz gai, dauqdaej daeu daengz aen "ndoengfaex" engq hung lo. Va, neix itdingh dwg aen seiqgyaiq doenghduz lo. Gizneix miz haujlai non: Miz duzmoed lumj naed

haeuxsan nei; miz duzmbaj lumj duj va nei; miz duzbiengzbeih lumj feihgih nei.....Gou yawj ha yawj ha, sawqmwh duz coengmax ndeu byaij gvaqdaeu, gou siengj: Duz coengmax wnggai dwg gungh-gyauhceh gyoengqde ba. Cijraen duz coengmax aj bak geij baez, lumj naeuz: "Sou ndei, sou siengj bae gizlawz, gou daiq sou bae!"

"Vwng vwng vwng, vwng vwng vwng....." Neix dwg bouxlauz? Gou baez yawj baihlaeng, o, yenzlaiz dwg bang rwi ndeu, gyoengqde bek doiq fwed mbang, lumj gingcaz ityiengh hai cizswngghgih cunz gyangmbwn, gij singyaem "vwng vwng vwng" haenx lumj yinhyoz nei, hawj gou dingq le hix siengj diuqfoux hwnjdaeu, gou bienqbaenz duz non ndeu.

Seizneix, gou da yawj baihgva "ndoengfaex", gou yawjraen bang vunzguhong ndeu cingq buen doxgaiq gwn, gij doxgaiq gwn haenx beij aen ndang swheij hung geij cib boix. Gyoengqde baengh coengmingz cihgeij buen ndaek doxgaiq neix, caen hungmbwk lo! Gou mbouj ndaej youq henz yawj ndwi, aeu bang gyoengqde mbat ndeu. Yienghneix, gou iet fwngz okbae. Siengj mbouj daengz, fwngz ngamq iet, gou sikhaek singj lo, yenzlaiz gou mbouj dwg doenghduz.

Ma daengz ranz, gou lij ngeixdauq gij saeh mizyinx neix, ndaw sim cunghuengx geizheih. Gou itdingh roengzrengz doeg saw, damqcaz aumiz doenghduz.

(指导老师:潘文清)

Muengh Gvaq Cieng

盼新年

贵港市覃塘区蒙公乡
高占小学三(二) 韦飞扬



Gvaq cieng dwg seiz ceiq angqyangz gyoengq lwgnyez. Aenvih ndaej daenj buhmoq, vaqmoq caeuq mauhmoq, lij ndaej suék faengx, nem doiq, dox hohheij. Gvaq cieng caen sim' angq ha!

Ndwenlab ngeih cib geij, dxbuz caeuq daxmeh couh nda daiz suék faengx rangfwdwd lo. Dxbuz sien ra rongfaengx ma, cuengq ndaw gu bae log unq bae, log hwnjdaeu aeu raemx swiq seuq bae, langh hawq bae. Yienzhaeuh, dawz haexcid swiq ndei, aeu nohmou, duhhoengz, lwgraz, faenjhajrang doxgyaux guh hamh, couh ndaej suék faengx lo. Dxbuz suék aen faengx youh vaiq youh gvai, daxmeh hix mbouj fug saw, hag dxbuz suék faengx, hix suék ndaej aenfaengx aen beij aen ndeiyaew. Dxbuz lwnh gou faengx aeu cawj 10 aen cungdaeuz doxhwnj, gwn hwnjdaeu cij rangfwdwd, ndigah dxbuz dumq faengx seiz cungj mbouj ninz. Faengx dumq cug le, gou biengj fagu hwnj, feih rangfwdwd couh bongh haeuj ndaeng daeu, gou log aen ndeu hwnjdaeu, sawq gaemz ndeu, "va, rang lai lo, caen dwg doxgaiq ndeigwn lajmbiengz ha!" Gou nyaenx mbouj ndaej danghaenh naeuz.

Nem doiq dwg gienh saeh gvaqnienz aeu guh ndeu, bouxlaux dawz fouqdoiq nem youq bakdou ranz, lij dawz cih "fuk" daeu dauqdingq nem youq najham roxnaeuz fadou hung, eiqsei dwg fuk daeujaengz lo.

Nienz co' it, haetcaeux, gou daenj buhmoq ndei le, simgaenj dwk bae baiq bouxlaux lo. Gou naeuz daxgoeng: "Goengheij daxgoeng, miz fuk miz souh." Daxgoeng riuho ho dwk hawj gou aen bauhoengz hung ndeu, gou caen sim' angq ha. Gou youh bae goengheij dxbuz, daxboh, daxmeh, goeng' au, mehsimj caeuq daxgux, yaep he, aen daeh buh gou couh bongzbdwd lo. Daengz gyanghaemh, dou daengx ranz vunz humx dong feiz gyoqfeiz yawj densi, daengz 0 diemj cung, dou youh angqvauvau dwk bae yawj cuengq bauqva, nyingz lwgbauq. Byonghhwnz laeg lo, daxmeh gwj coi gou, gou cij sij mbouj ndaej con haeuj ndaw denz bae ninz.

.....

Ai! Ndwenecieng ngoenz-ciet youh gvaqbae lo. Gou caen maqmuengh cieng bimoq vaiq di daeujaengz ha!

(指导老师:韦彩芳)

